
Фарғонада карантин тартиби босқичма-босқич юмшатилмоқда

Бу хакда вилоят санитария-эпидемиологик осойишталик марказининг телеграмдаги расмий каналида [маълум қилинди](#).

Бугун, 3 август кунидан бошлаб Фарғона вилояти худудидаги хусусий мактабгача таълим ташкилотлари, буюм ва чорва моллари бозорлари, қурилиш маҳсулотлари савдо мажмуалари ҳамда сартарошхона ва гўзаллик салонлари фаолиятига рухсат берилди.

Эпидемиологик вазиятдан келиб чиққан ҳолда карантин талабларини босқичма-босқич юмшатиш мақсадида вилоят коронавирусга қарши курашиш бўйича ишларни мувофиқлаштириш штабининг йиғилиш баёни қабул қилинган.

Мазкур муассасалар фаолиятини йўлга қўйишда белгиланган шартларга амал қилинади. Хусусан, хусусий мактабгача таълим ташкилотларида машғулотларни **15 кишидан ортиқ бўлмаган гурӯҳларда** ташкил этиш, биноларни доимий равишда дезинфекция қилиш, уларга кириш-чиқиш жойларини пиromетрлар, антисептик воситалар ва дезинфекцион “тўшак”лар ҳамда дезинфекцион тоннеллар билан жиҳозлаш кабилар белгилаб қўйилди. Бозорлар ва қурилиш савдо мажмуаларида ҳам ана шу каби талабларга қатъий риоя қилиниши кўрсатилган.

“Сартарошхона ва гўзаллик салонлари – хизмат қўрсатувчи шахслар томонидан шахсий ҳимоя воситалари – тиббий халат, тиббий ниқоб, юзни тўлиқ тўсадиган ҳимоя маскаси ва тиббий қўлқопдан фойдаланган ҳолда **“1 та хизмат қўрсатувчи шахс - 1 та мижоз”** тамойили асосида ижтимоий масофани сақлаган ҳолда ишлаши талаб этилади”, - дейилади марказ хабарида.

2020-08-03 22:59:39